

嘉定肩城紀畧

行在陽秋二卷



行在陽秋下

六年 正月

朔駕在安

隆州

天懷崇
下民圖
肅鎮

二月二十五日吳三桂破嘉定州總兵白文選遁

清杜繼茂兵入欽州開國公趙印選預遁

杜永和守瓊州降清

三月初八日湖北晝晦大風揚沙至持燭而行

官軍復沅州又復平遂衛藍田縣

清破佛圖關遂陷重慶

行在陽秋

卷下

一

夏四月二十日清入叙州總兵王俊臣白文選退

守永寧

故四川提學任佩弦降于吳三桂

十一日德州雨雹大者如瓜殺三人沉漕舟一

十三日清殺南陽伯孫元胤安肅伯李建捷

元胤聞杜永和之降慟哭三日夜清遂殺之投

尸江中時前鋒將周彩安肅伯李建捷亦成棟

養子與元胤義兄弟也建捷嘗從杜永和先登

廣州敗走蒼梧與元胤同護蹕亦隨海內欽州

作難已登舟出海聞元胤被執遂願與同死
十八日官軍復清州擒斬清總兵楊國勳

念一日孫可望自靖州率眾攻湖南清帥沈永忠
遣張國柱禦戰可望擊敗之

六月荆江侯張先璧朝行在封沅國公

晉馬進忠鄂國公

吳三桂破石泉縣巡撫詹天顏及曹淇等俱被獲
天顏福建人

秋七月庚午朔復寶慶

行在陽秋

卷下

二

初四日安西王李定國平東王孫可望復桂林孔
有德陳邦傳曾盛祖秘希孔承先孫龍孫延世董
英袁道先等伏誅

可望自行在出寶沅定國帥偏師輕騎扼有德
于桂林旬日下數十城有德自刎已獲其幼子
置軍中至十三年己亥春殺之

十一日庚辰黃霧四塞

復永州

擒斬清紀國相鄧胤昌姚耒等數十人

八月十六日復夷陵

十八日建極殿大學士朱天麟卒于廣南府予祭
葬廕一子中書舍人謚文靖

孫可望敗清于靖州

可望駐長沙善安縣

傅典侯張月降于清

九月清再陷梧州

杜永和張月執提督李明忠降于清

詔授文日章爲攸縣知縣

行在陽秋

卷下

三

吳三桂兵至龍安邊堡

冬十月撫南王劉文秀攻保寧不克

文秀自綿州出攻保寧十日吳三桂至文秀撤

圍退

十一月十三日官軍復衡州擒清辰州總兵徐勇

及劉升祚等

十九日清兵至湘潭馬進忠退守寶慶

二十三日清再陷衡州

總兵馬 敗死

十二月初五日清陷藤縣總兵羅超戰歿再陷賀縣

二十九日清兵入平樂縣平彭俊陣歿

是歲封莫宗文安仁伯

七年

癸

春正月

朔駕在安隆州

二月李定國馬進忠兵入永州

二十八日永州陷李定國走龍虎關

孫可望駐靖州總兵馮壯力駐奉天

清帥耿繼茂破廉州道臣王道光被執歿

行在陽秋

下

四

道光江西庚午舉人初任雲南太和知縣

三月武陵候楊國棟安仁伯莫宗文攻常德不克

十七日孫可望禦清兵于周家堡敗回寶慶

安西王李安國敗于肇慶退駐柳州

夏四月郝尙文復以潮州內附斬清知府薛信辰

五月封楊時清征定侯

六月初四日潮陽再陷

閏月初九日安西王李定國出師廣州攻肇慶

二十六日總兵周金湯攻復遂溪降其守將陳琪

秋七月李定國復化州吳川信宜石城定國以施
尙義守化州

初九日李定國離肇慶

十三日李定國遣兵入賀縣樂平

二十一日李定國率兵二萬攻圍廣西賊不克

定國圍七晝夜清兵自奉天至定國解圍

總兵王之邦卜寧張蓋陣歿于陽朔

叛將趙文貴執四川道孫胤乾至保寧獻于清

孫可望駐奉天

行在陽秋

下
五

李定國兵擒斬清廣西巡撫王荃可

八月初五日石城遂溪陷

化州陷

九月十四日潮州再陷新太候郝尙文父子投井

死潮州道李兆京被獲死

以王立功內應也尙文一作尙久以功歷陞總

兵守潮州清至以城降附戊歲李成棟內附尙

文復正朔詔以爲將軍仍駐潮州李敗復降清

爲潮州總兵尋加銜管水師中疑不肯越省城

六已復奉正朔自稱復明將軍挾諸鄉紳入城
盡反清所署官屬願從者仍與原銜不願者拘
一畝之唯教官以下聽下各邑追印多挾印去空
城以待惟龍溪知縣焦某舉城歸之至是清以
大重兵壓之尙文父子投井死一日自縊死

冬十月清師尙可喜陷吳川縣
陳爰典陳其策被殺

十一月二十日清督祖澤遠援鄭陽

十二月十三日清破郴州桂東縣黃蠟潭巡撫朱

行在陽秋下

六

俊臣陷陣死總兵羅念等降

是歲官軍擒斬清廣西右江道參議金漢蕙樂平
知府尹明廷廣西副將溫如珍降清

八年甲午春正月

朔駕在安隆府以吳貞毓爲

大學士

孫可望駐靖州

二月安西王李定國帥兵入高州張月來歸

夏四月初十日李定國兵至雷兼遣將攻復羅定

新興石城電白陽江陽春等縣

六月李定國遣將攻梧州不克

官軍擒斬清湖廣湖北道右參議劉鼎祚辰州知府王仕玘

秋七月遣內臣至廈門島冊封朱成功爲延平王

二十六日平遠再陷

冬十月初三日官軍攻圍廣州

十一月詔改安隆州爲府改都康萬承安平龍安諸州爲府

十二月 朔延平王克復漳州

行在陽秋下

七

初六日李定國攻新會縣

十四日清援廣州官軍解圍

十六日李定國攻肇慶不克還廣西

南寧巡撫張起致仕

起與孫可望標將賀九儀不和故也

是歲予大學士吳貞毓自盡殺張鏞十餘人

詔曰朕以眇躬纘茲危緒上承 祖宗下臨臣

庶閔今八載險阻傳嘗朝夕焦勞罔有攸濟自

武衡肇楮以至邕新播遷不定茲冬瀨湍倉卒

西巡苗戡于前虜殛于後賴秦王嚴兵迎扈得以出險定蹕安隆獲有寧宇數月間捷音登至西蜀三湘以及八桂洊歸版圖憶昔封拜者纍纍若若類皆身圖自極任事竟無一人惟秦王力任安攘毘于一人二年以來漸有成緒朕實賴之乃有罪臣吳貞毓張鏞張福祿全爲國徭極鄭光元蔡宿趙賡禹周允吉易士佳楊鍾任斗樞朱東旦李頌蔣乾昌朱議泉李元開胡士端包藏禍心內外連結盜竄矯勅擅行封賞貽

行在陽秋

八

禍封疆賴 祖宗之靈奸謀發覺隨命朝廷審鞠除賜輔臣吳貞毓死外其張鏞張福祿等同謀不法蒙蔽朝廷無分首從宜加伏誅朕以頻年患難扈從無幾故馭下之法時從寬厚以至奸回自用盜出掖廷朕德不明深自刻責此後凡大小臣工各宜洗滌廉法其守以待昇平

附孫可望奏爲行在諸奸矯赦盜竄擅行節節大爲駭異隨奉 皇上賜書將諸奸正法仰見乾綱獨攬離炤無私首惡吳貞毓張鏞張福祿

也爲從者徐極蔡宿等也 皇上立寘重典以彰國法矣蓋李頎臣弟也勦虜失律法自難寬方責圖功以贖前罪而敢盜竇行封是臣議罰諸奸反以爲應賞矣且臣所部諸將士比年來艱難百戰應賞應罰惟臣得以專之故名器宜重早已具疏付楊畏知奏明卽畏知之服上刑亦以晉中樞旋晉內閣之故原疏具在可復閱也因憶兩粵並陷時 駕蹕南陵國步旣已窮感加之叛爵焚劫于內虜首彎弓于外大勢岌

行在陽秋

下

九

岌卒令駭喙潛跡冥然無恙不謂非賀九義等遵王朝令星馳入衛之力也又憶瀨湍移蹕時危同累卵諸奸惡力阻幸黔堅請隨元亂敢死使果幸防城則誤主之罪寸磔遂足贖乎茲蹕安龍三年矣纔獲寧宇又起風波豈有一防城一元亂可以再陷 聖躬乎臣累世力農未叨一命之榮升斗之祿亦非原無位號不能自雄者也沙定洲以雲南叛臣滅定洲而有之又非無屯兵難于進攻退守者也總緣孤憤激烈冀

留芳名于萬古耳卽秦王之寵命初意豈能覲
此哉故楊畏如之齋奏疏中有云今之奏請爲
聯合恢勦之意原非有意以求封爵也臣關西
布衣據彈丸以供駐蹕願 皇上臥薪嘗膽毋
忘瀕湍之危如 皇上以安隆僻隅錢糧不敷
欲移幸外地唯聽膚斷自當備辦夫馬錢糧護
送駕行斷不敢阻以蒙要挾之名

前南寧知府顧祖奎卒

祖奎吳江人祝髮爲僧卒于肇慶之白雲寺

行在陽秘

十

九年杞春正月

朔駕在安隆府

二月孫可望駐貴州以部將朱養思守南陵

安西王李定國自賓州入南寧

撫南王劉文秀駐川南

三月二十九日昭平陷

屬平樂倪志倫歐光大袁啟祕徐麟俱降清

夏四月二十六日李定國兵敗于

標將王成張士祿嶺西道陸士瑞 道李昇東

安知縣羅大經俱降清

五月二十三日劉文秀馬進忠與武大定等攻常德不見

冬十月蜀鎮胥登榮降于吳三桂
一作胥發榮明年正月降

十年丙申春正月朔駕在安隆府

夏四月安西王李定國迎駕入雲南

定國兵至州詭爲清兵戰敗孫可望部將關有才之兵遂奉詔入安隆州執可望家屬以去

六月馮南恩恭俱降清

行在陽秋下

十一

秋七月義寧伯龍韜駐柳州

韜與李定國爲應援旋被獲死

十八日延平王攻福京

九月十九日清入辰州

冬十月夔州巡撫鄧希明總兵張元凱降于吳三桂
希明自獻賊亂後與元凱同屯墾開縣入覲安

隆授官

十一年丁酉春正月朔駕駐滇都

進李定國爲晉王

秋九月秦王孫可望謀叛移師犯滇晉王李定國
蜀王劉文秀奉命討之師次曲靖府十九日戰于
交水可望奔潰

念一日叛藩孫可望遣賊將張勝開道襲滇中書
科中書舍人朱斗垣遇賊不屈死之

先是可望謀逆其部將白文選將所屬來歸

土嘉之封文選爲鞏昌王遣尙寶司楊楨幹中
書朱斗垣賫敕往曲靖軍中途遇賊兵遂爲所

行在陽秋下

十一

書

二十二日晉王李定國班師援滇擊張勝于渾水
塘擒之斬于市

保國公王尙禮卒于滇中

以馬吉翔爲大學士李國爲司禮監

進撫南王劉文秀爲蜀王

是年文秀遣總兵王俊臣姚之貞等統兵三萬
人攻保寧爲吳三桂所敗俊臣之貞俱死喪卒

千餘

高翽翽夫李春秀等降于清

翽原任兵部尚書萬夫爲某官春秀舉人降于

清偏沅巡撫袁廓宇

冬十一月十五日孫可望降于清

可望爲定國所敗率家卒數千人請保慶降于

清封可望爲義王後隨出獵被射死初可望

卻將桑某者降歸定國故可望窮蹙奔降桑某

後爲清兵獲械至北京人見桑慷慨自若竟

釋之

行在陽秋下

三

十二月清兵攻雲貴

泗城州土官岑繼祿降清爲嚮導引清兵從間

道直抵安隆時晉王李定國守盤江聞報自統

精兵三萬人倍道趨戰我師敗績

十二年

戊戌

春正月

朔駕在滇都

二月原任總兵鄧凱朝行在

凱江西吉安人初同楊廷麟劉同升萬元吉龔

棻寺奉隆武正朔起兵江西其父某死國事

夏四月官軍克橫州

秋八月十七日延平王克復台州
授鄧凱爲隨扈總兵守大明門

是年冬十月初七日
上遣內臣李崇貴名凱

入朝
上曰爾忠義老成可卽隨護東宮賜銀

一百兩賜銀鼎盃一隻

冬十二月十五日
駕離滇都傳幸永昌

新津侯譚宏仁壽侯譚毅總兵譚憲譚大圖俱降

于清

文臣方疇等同降

行在陽秋

十四

鞏昌王山文選以兵二萬人守貴州七星關敗于

清

曲靖知府蓋世祿降于清

世祿貴州畢節衛選貢生也

十三年紀春正月朔

初二日清兵入滇都

提督總兵劉之扶許大元總兵王宗臣王有德

副將朱文彩朱文盛提學道徐心箴光祿寺少

卿管雲南分巡洱海道黃復生等俱降于清復

生仍管洱海道心箴署臨沅道

初四日 駕幸永昌

吳兵已入貴州 上在雲南倉卒聞報羣臣求

手無措太僕寺正卿辜延泰仁壽請駕即日幸

蜀開荒屯練以圖便利 上意未決晉府中書

金公祉雲南極言入蜀不利是時文武臣僚演

人居多皆思保妻子弗欲遷勸 上寢之吳兵

分道前進一從火洪龍元安龍入一目率諸將

從烏蒙入 上聞警卒起行先生至永昌

行在陽秋下

五

沅江知府那燾起兵戰敗登樓自焚父子夫婦

闔門皆殉義死

泰安伯竇民望力戰不克死之

時晉王兵駐磨盤嘴先遣大定營泰安伯竇民

望領步兵三百人前行與吳兵遇民望誓將士

爲殊死戰自持震刀殺吳騎將數十員騎步兵

三十餘人益畏縮欲退是夜民望復謀文勝捷

擊吳軍將行爲小子所洩吳知之別遁得免明

日民望復殊戰死三百人且盡尙存一小子奔

吳營降吳詢知民望令鎗砲齎發民望受數百鎗彈從脅穿透戰如故持刀潰圍走尋上所在行三十里血湧仆地死吳遂整兵前進

晉王李國退入交趾

閏月十八日駕幸騰越州二十日遂行以靳統武爲護駕總兵

其兵卽孫可望之衆也念一日統武竄去

二十八日駕入緬關緬人來迎

二十九日駕留蠻莫次日遂行

行在陽秋

下
六

初上在永昌大學士馬吉翔編修貴州塗敷功吏部左侍郎四川鄧士廉大理寺正卿齊環沐國公天波左衛將軍四川徐鳳翽等二百餘員及家口二十餘人不俟大軍齊發先入緬界是月雅州伯高承恩及諸土司據兵守境

二月朔文武諸臣自騰越齊罪緬境

初四日馬吉翔李國乘太后東宮先奔井梗

初五日鞏昌王白文選遣兵至哩哇城迎駕不值

而去

禮部侍郎潘琪卒

十七日清兵入永昌騰越州

十八日駕幸井梗是晚文武諸臣會于御舟前議遣總兵鄧凱行人司任國璽使緬馬吉翔止之

吉翔恐二臣先行言其過也

二十八日遣馬雄飛鄔昌琦使緬

緬王請大臣過河相議乃遣二臣惟通事傳說

皆神宗時事所去敕書彼出神宗敕相對

分寸不符疑以爲僞出沐國公印相對乃信緬

行在陽秋

下
七

因神宗二十二年因亂來滇請救本朝不允遂絕貢

三月

通政司朱蘊金總兵姜承德自縊死總兵潘世榮降于緬

沐國公天波綏寧伯蒲纓晉王總兵王啟隆等

集于大樹下天波曰緬酋待我日疎可就此處

走護勤撤孟良等處爲善吉翔與李定國有約

力阻之十七日陸行者到啞哇對河離城五六

里而營緬酋疑我圖吳國發兵圍之有波傷者
餘各星散晉王總兵潘世榮卽降于緬通政朱
蘊金吉翔中軍姜承德各縊死

夏四月馬吉翔舉錦衣衛丁調鼎考功司楊生芳
使緬國

二十六日大理寺卿徐環卒

安隆所總兵周文隆降于清

文龍自田州遣弁赴肇慶納降

光祿寺少卿盧桂生降于吳三桂授大理府知府

行在陽秋

六

時晉王遣應奇說桂生歸正應奇被執送吳三
桂殺之

五月初四日緬王遣官以龍舟迎駕

初五日駕離井梗

初八日緬王羈駕于孟坑城外

地居者梗

緬王接駕見中國男女財帛心利之欲圖害

上遂謀奉駕安置孟坑城外四面皆海人不得
通初七日駕至哇哇城對河結營初八日進者

梗卽前陸行者所札地也構草房十大間上
居依然以竹爲城每日百餘兵守護

初九日緬人進貢 土優賜之

相傳緬婦每日貿易如市諸大臣皆短衣洗足
混入緬婦貿易據地雜坐談笑緬官乃曰天朝
大臣如此規矩安得不亡

行人司任國璽請設廠衛

十六日儀制司 朱冲卒

江西宗室

行在陽秋

五

以使緬功楊生芳文選司郎中加丁調鼎五級
敕緬隘官截止追駕官軍

馬吉翔與緬隘官敕一道內云朕已航閩後有
一切官兵都與截殺

六月安德侯狄三品執馮雙禮獻于清授豸城侯
三品雲南建昌總兵雙禮已封郡王

二十一日安南臣武公姿降于清

武公姿官宗國公遣人至雲南獻降表

二十二日延平王舟師克鎮江圍南京旋退入海

總兵甘輝等死之

高承恩爲其弟承裔所殺

部將爭立自相攻擊

清獻馬瑚敘州

伯提督總兵陳希賢等降

郎中郝承思等固守

秋七月清陷成都總兵趙友勳等降御史龐之涿

主事賀奇俱繳印降

清道川南道高毓皆招降原任四川巡撫萬任

八月滇國公沐天波使緬甸入其城

行在陽秋

下
三

緬俗以八月十五日各蠻來貢欲張大聲勢天

波至彼令跪足以緬臣禮見天波不得已從之

歸而泣告于衆曰我故屈者爲保全 皇上計

耳禮部楊在行人任國璽各疏劾天波屈節于

緬夸疏留中

上不豫

以患足故

九月緬人進稻穀

緬進稻穀給各窘迫者吉翔據爲己物私其所

愛者鄧凱不平于朝內大罵之時有吳承爵者
乃吉翔之旗鼓粹仆凱于地損一足
光澤王儼鐵大學士郭之琦總兵楊祥被獲不屈
死之

時雲南既陷之奇等避入交趾交夸懼縛送廣
西被害之奇絕命詩云十載艱虞爲王恩居吞
避世兩堪論一聲平地氛塵滿幾登幽山霧雨
翻曉澗哀泉添熱血暮烟衰草送歸魂到頭苦
節今方盡莫向西風灑淚痕成仁取義憶前賢

行在陽秋下

三

異代同心着幾鞭血比黃泓新化碧魂歸望帝
人爲鵑曾無尺寸酬高厚惟有孤丹昭簡編萬
卷詩書隨一炬千秋霜管俟他年祥蜀人不識
字以忠義自許臨難神色不變望西叩首謝恩
危坐就刑觀者無不流涕

命造曆日

從鄧凱請也

冬十月郝承裔以嘉定印眉等州叛降于吳三桂
未幾承裔反正至辛丑年被獲死

蜀鎮寧侯王友進遣官降于吳三桂
安南都統使莫敬耀入貢于清

是冬嘉靖州陷殺被

十四年庚子春正月 駕在孟坑城外

德陽王至濬降于清

至濬初奔交趾與太監王應遴同匿高平境內
自安南莫敬耀後勢益孤危故至濬亦降

三月初一日賴國公楊武叛降于吳三桂

三桂令楊武招降貴州布司政朱企昞

行在陽秋

三

靖侯王國璽兵部侍郎尹三聘編修劉荏尙寶
等楊楨幹知府范春鰲等六人六人遂繳印降

赴北

大學士方端士降于清

禮部司務王應偉卒

秋七月緬人邀滇國公沐天波再入其城不允

緬使曰此番可冠帶而去天波終不允

八月郝承裔以雅州內附

九月晉王李定國出孟良與自文選入緬關次日

桐泊疏請迎駕不果

之國迎駕疏內言前後三十餘章不知曾到今
與緬王相約何地交遞而諸臣在內只圖安樂
全不關節出險緬官求救一道去了外候久無
消息乃拔營而去

以湖廣道御史鄔昌琦改陞河道掌六科

從馬吉翔所薦也

授烏撒知府王祖望禮部主客司

祖望晉王藩前人能醫中宮有疾用其藥而愈

行在陽秋

三

太常寺博士鄧居詔疏陳時事

居詔疏爲停止不急之務仰祈修省等事內侵
吉翔及各員自謀自銜等語蓋指行人任國璽
欲轉江西道而言也吉翔怒奉 旨該衙門知
道旨方下而國璽回道及各陞轉 旨旋下矣

居詔不平卽劾國璽國璽亦劾居詔一日 上
召面質不果惟吉翔國泰傳古云鄧某當學好

免杖

碎國寶以給各員

吉祥奏外有大臣三日不舉火者 上不信次
日吉祥國泰復合奏 上怒擲皇帝之寶命掌
國太監李國用碎之國用叩頭辭不敢又次日
吉祥國碎之以散給各員 上怒曰你們要收
門生特把朕作人情耳

十五年辛丑春正月 駕在孟坑城外

二月吳三桂破爲乃麻衣

龐吉兆吉佐等俱被獲

咸陽侯祈三昇降于吳三桂

行在陽秋下

吉

三昇與定國不和獨走戶臘三桂遣官招之遂
率兵七十餘人涉遠而降孟津伯魏勇總兵劉
芝林王有功邵文魁等俱降勇旋病歿

鞏昌王白文選賫奏迎駕

念八日白文選遣緬民賫奏至云不敢速進者
恐爲所害必令彼送出爲上策璽書答之曰不
五六日離本處止有六七十里已搭浮橋來矣
數日後緬兵斷浮橋而去吉翔國泰挾駕自重
不思出險或欲暗相糾結擁東官因殺吉祥國

泰奪路而出卽爲吉翔國泰所覺密奏其結盟
投緬旨命錦衣衛搜獲爲首者殺之

夏四月赫承裔被獲死

御前總兵馬寶降于吳三桂

五月朔大學士馬吉翔司禮監李國泰入宮講書
賜之坐

江西道御史任國璽奏爲時事三不可解謂上
年本請開講期年不行今勢如累卵不思出險
尙然如此講書必須科道侍班議軍務則有沐

行在陽秋

下

五

勲臣王皇親等豈翔泰之獨君也言詞切直次
日旨下着任國璽獻出險策國璽奏能主入緬
者必能主乎出緬今日事勢至此乃卸肩于建
言之人乎時王祖望鄧居詔各疏劾翔泰有內
官曰爾上千金萬本亦何用其擅權若此禮部
楊在講書賜之坐典璽李崇貴以爲非禮次日
亦賜崇貴坐崇貴辭曰今雖亂世禮不可廢每
講崇貴出外一日東宮問楊在曰袁公何名在
不能對

初五日瑞昌王薨于緬甸州

二十二日緬酋莽猛白弑其兄

先是御前總兵馬寶降于吳三桂卽使爲閒至緬王備言矣三桂所以遣之故且曰苟能送帝出則富貴可立至也緬酋于是令寶至孟坑居

上左右

上以寶爲舊城弗之疑也緬酋旣

受三桂命遂決計出獻其親兄知之謂曰不可因人之危而爲之利不義且彼兵至也天之所立中土之所戴我不能助而反爲之害是逆天

行在陽秋

三

也逆天不祥不如且全之任彼後圖緬酋卽縛其兄弑之

六月十八日緬酋僞請盟馬吉翔李國泰等從之緬使來云我王初立怕你們立心不好請去吃咒水等你衆人走動好去作生意不然日用亦

難云

十九日緬酋殺我文武官僚三十餘人

吉翔國泰聽信緬酋之謀不論大小官員俱攜去與緬酋盟已刻緬酋以兵三千圍所扎處乃

曰爾等大漢可出來吃咒水一箇不出來卽亂鎗殺死諸臣良久乃出出俱被執而死松滋王已下馬吉翔馬雄飛蒲纓鄧士廉鄧居詔楊在鄔昌琦任國璽王祖望裴廷謨楊士芳學錄潘璜郭璘典簿齊應選總兵王自全安朝位陳謙龔勳吳承爵張宗位錦衣衛大堂任子信張拱極劉相來宗宰劉廣銀宋國柱丁調鼎司禮監李國泰東筆字茂芳楊宗華李崇貴又周某盧某曹某沈某俱失名

行在陽秋

下
毛

馮幸黔國公沐天波署緬僧進食

黔國公沐天波靖來將軍魏豹總兵王啟隆等俱遇害

上與中宮將自縊鄧凱勸之曰 太后年老將誰爲依 上乃止緬兵入官搜取財幣貴人宮女及各官妻孥自縊者甚衆 上與太后等二十五人俱聚于一小房經險二時忽通事引守護緬官至乃喝曰不可害皇上與沐國公彼時尸橫遍地緬官請 上移出沐國公房內大小

二百四十餘人怡住一樓母子啼哭聲聞里外
閱三日幸有緬僧私進飯食且悲哀不已乃知
早去各臣悉被殺時有沐天波王昇魏豹王啟
隆各傷緬兵數人而死有皇親家小子名來安
年甫十三兵擒之乃曰有銀與你抵腰假作取
銀乃拔小刀刺傷緬兵而死

吉王自縊薨

吉王同妃入宮自縊皇親標下總兵姚文相黃
華宇熊惟寶馬某秦某錦衣衛趙明鋒王大維

行在陽秋

下
三

王國相吳承胤朱文魁鄭文遠李旣白凌雲尹
裘朱議添千戶吳某百戶嚴某內官陳德遠劉
楊二貴人松滋王妃皇親任國璽姜承德妻楊
氏俱于十九日自縊死 又起陸諸人先後遇
害者通政司朱蘊金姜承德藩世榮而驛忠范
存禮温如珍副總兵高陞李勝武崗用恨王馬
九功王皇親標下劉典隆戴某張某陶某內府
劉九臯劉衡汪國泰段能忠謝安祚
施氏曰緬酋既弒其兄遂以次殺上左右從官

緬酋將天波至城上木板鋸解以示城外 上遣人登城遙諭曰事已不可爲矣從朕文武各官各已見害城上所居解者卽沐上公也朕亦萬無生理可致謝晉王各自爲計否則城外當有變矣王及諸將士皆下馬羅拜大呼痛哭聲振天地 上遙聞亦哭次日晉王憤恨悲號遂大勦孟坑城外難犬不留而去自是人心無主兵多散去

秋七月緬人貢物

行在陽秋

完

念一日緬人乃修原所請衆人安住貢米銅器等物念五日又進獻鋪蓋銀布等物甚厚乃曰我王子實無他意因爾各營在外殺害地方遂恨入骨乃衆民所爲也

上不豫

冬十一月初八日吳三桂兵至木邦

白文選遣副將馮國恩至木邦偵之中伏被獲國恩遂降于三桂爲嚮道

十八日 上召總兵鄧凱入宮

是日午刻召凱入宮諭曰 太后病矣而賊信
又急爲之奈何白文選朕欲封他爲親王馬寶
欲封他爲郡王

吳三桂兵至錫波白文選奔茶山

二十日三桂發兵追文選于茶山

二十四日吳三桂入緬甸境

初三桂在騰越朱腮兩遣人通緬酋使送駕出
降否則加兵緬酋益決計謀逆

十二月 朔吳三桂兵駐舊晚坡

行在陽秋

辛

舊晚坡在緬城之東是日緬相錫真持貝葉緬
文降于三桂其文有願送駕出城但祈來兵退
扎錫坡猶慮三桂之襲其城也

初三日緬酋內叛來 上及 皇太后皇后皇太

子公主如舊縣坡緬酋殺華亭侯王維恭

是日未刻二三緬官來見曰此地不便請移別
所爾門兵將近我城我處發兵必由此過恐爲
驚動言未畢數蠻子將 上連杙子擡去 太
后等悲聲震天行至二百步乃有轎三乘至

太后等上轎大小男女毫末收帶步行約五里渡河到岸暗黑不識何兵二更到營始知爲吳三桂矣初四日歸老營初五日曉鄧凱匍匐

上帳前曰今日事至此 皇上當行一烈使老臣得其死所 上曰固然有太后在且洪某吳某世受我家恩未必毒及我母子初六日拔老營復轉啞哇欲攻緬城未遂初九日長發還淇一路大小俱與馬匹進御膳用金碗不用銀碗

上與東宮俱進鮮服鋪蓋內官宮女各官妻

行在陽秋

三

妾均與衣被

吳三桂以車駕還南

施氏曰吳三桂兵亦出境將入緬路遇鞏昌王白文選是時文選兵尙強因山路窮僻斥堠不通猝遇無計不敢戰遂降自是三桂無所忌憚矣緬恐遂令馬寶誘 上曰晉王兵去此未遠臣欲從閒道奉駕奔其軍 上從之緬使人從

上所至則吳軍矣

十六年壬寅春正月十三日駕還滇都

三桂日進膳服等物俱倍前

夏四月 太皇太后王氏不食崩

三桂令人奉 上居滇故都督府等嚴兵防守

八旗兵皆集 上屢欲見三桂三桂不肯見

皇太后不食 日遂崩

原任戶部尚書龔彝死之

龔永州人天啟乙丑進士也具酒殽進謁 上

所守者不許龔厲聲曰此吾君也我爲其臣君

臣之義南北皆然我祇一見耳何拒我爲守者

行在陽秋

三

往啟三桂三桂許之龔遂入堂上設宴請 上

出朝禮畢進酒 上稍謝痛哭不能飲龔伏地

痛哭亦不能起再勸 上飲 上勉飲三爵龔

再拜不止遂觸地而死 上撫之慟幾仆

上崩 皇太子遇害

施氏曰從官扶 上進八旗諸將士皆望而呼

萬歲曰此真主也我等雖有主今知其安在不

如奉此以成不世之功事將成滿漢諸大臣皆

割辮而起爲下所洩三桂知之大驚卽令輦

上及皇太子出以弓弦絞于市時太子年十二
臨難大罵曰黠賊我朝何負于汝我父子何仇
于汝乃至此耶是日天大昏黑風霾並作人影
不見 上既遇害三桂使人炙尸揚灰傳賜諸
將前所謀奉 上八旗諸將士共二千餘人皆
殺之令沒其妻子

襍錄曰吳三桂標將有商于吳者問以薈晚坡
之事據云十二月初二日三桂至薈晚坡檄緬
送駕緬亦遣人相聞薄暮緬人送人首十七至

行在陽秋下

三

至三桂營內訛言駕崩及三鼓謹言駕至矣
隨衆出迎見二艘渡江來一爲 上及 太后

中宮東宮公主一爲遇害諸臣家屬有緬相
及蠻兵二百餘人俱至三桂送 上及宮眷于

公所 上南面坐達旦三桂標下各官相繼入
見或拜或叩首而退少傾三桂進見初甚倨傲
見 上長揖 上問爲誰三桂噤不敢對再問

之遂伏地不能起及問之數至始稱名應詔
上切責良久三桂緘口伏地若死人 上卒曰

今亦已矣朕本北京人欲還見十二陵死死爾
能任之乎對曰臣能任之 上令之去三桂伏
不能起左右挾之出則色如死灰汗浹背自後
不復敢見

吳三桂以總兵鄧凱隸滿州鑲黃旗不受爲僧去
秋七月吳三桂遣藩下蝦護送 皇后公主至北
京奉 旨命禮部養贍于別室仍撥宮女二人奉
侍

是月二十九日晉王李定國薨于景線

行在陽秋下

三

定國薨後以世子嗣典記斬統武統武奉嗣典
爲晉王有馬斯良者定國之表弟心忌統武遂
勸嗣典降于三桂

附記王寅隨駕回滇諸人

吳師相炳一子一女同妾子名宏猷南京人

鄔昌琦一子三歲魏豹一子宗臯南京人 姜

承德三子北京人 丁調鼎二子 趙明鑑一

子一僕 黎應祥千戶廣東人 王祖望小子

新兒 鄧居詔家丁鄧玉前府都督康晉生一

子 總兵鄧凱 東昌李君調云緬酋送駕
舊晚坡在庚子十二月而龍馭賓天 皇太子
遇害則辛丑三月十八日也君調時在三桂營
中目擊者此云壬寅未知何據

行在陽秋 下

三五

行在陽秋 終 卷之四 東昌李君調云緬酋送駕
舊晚坡在庚子十二月而龍馭賓天 皇太子
遇害則辛丑三月十八日也君調時在三桂營
中目擊者此云壬寅未知何據

嘉定屠城紀畧

明烈皇帝殉國之次年

乙酉五月初九日南都破弘光出亡

明禮部尙書錢謙益率先降附欲樹德東南以自解于吳人士郡人周荃謙益客也有口辯密受謙益旨謁 清師豫王言吳下民風柔軟飛檄可定無煩用兵王大悅卽日拜官使降人黃家鼐佐荃單騎安撫吳中甫出都門郡邑長吏望風解印綬士大夫皆草間求活所過輒降至

嘉定屠城紀畧

一

吳家鼐南面自若荃獨微服出沒市廛郡人多爲之用數日後明監軍道楊文驄率兵五百人入郡城執家鼐等戮于市發取庫銀滿載去莫知所之荃匿民間免間行歸豫王王聞文驄襲殺家鼐等始發兵入吳三吳旤本實基于此云五月十三日嘉定縣聞維揚陷留都將不守

十五日不肖子衿羣集縣治索廩糧鄉試條編盤費及私贖卷資諸雜項分毫不遂攘臂大呼奸胥亂卒乘勢劫奪城中鼎沸舊令錢默本統

袴子惜愕不知所爲盡發公帑置步上恣其所
取潛出重賄明嘉定總兵官吳志葵求遣卒衛
送出境弁疏倡亂數十人姓氏欲悉抵于法隸
卒聞風悉遁去三十日錢令得間出亡

六月初一日吳志葵遣兵執諸生十一人入

灑衣就縛徒跣行烈日中窘辱備至緣中軍官
力掙釋之初四日 清大將兼刑部侍郎李延
齡副將總兵官署督撫事土國寶率大兵入郡
始聞改南直隸爲江南內閣爲內院十四日安

嘉定屠城紀畧

二

撫周荃單騎至邑邑中縉紳皆出避百姓無主
因結綵于路出城迎之競用黃紙書大清順民
四字揭于門旋緘邑篆弁冊籍上于郡

清授新邑令吳郡張維熙至

時六月二十四日也是日亭午志葵以百人用
白布裹頭伏時侍御墓旁哺時入民家亂索酒
食聲言欲取張令人定後各刈蒲葦一束然其
端持之以行其光燭天城中大震乃厚集民夫
鳴鑼發砲東向大噪志葵兵亦羣噪應之維熙

恐倉卒亦遁士民狼狽出奔遺棄嬰兒失散婦女者無算天明閭巷一空卒無他二十七日志葵復發兵來城內外百姓謂志葵恢復之師懸綵執香較迎周荃時十倍志葵用南都逃將蔣若來爲前導若來本市井無賴以膂力遭逢權貴得爲兵官不三載陞南京後軍都督聞維揚不守棄其軍仍作微裝脫走至是從志葵入城遽趨庫僅存銅銳數十急使人舁之行過徐家行大掠寸縷無遺至雞豚菽麥亦席卷而去貧

嘉定屠城紀畧

三

民婦子哭聲震天志葵若來欣然有得色因重載入海

明淮撫田仰等奉義陽王以舟師駐崇明沙

是時淮撫田仰監軍荆本徹總兵張士儀張鵬翼與宦官李國輔等合兵共奉之志葵乃率妻子從之旋舍去

閏六月初六日維熙復入縣

初八日 清將李成棟偏裨將梁得勝等以百餘艘載步騎二千鎮守吳淞是夕泊東關外恣

百姓聚觀傳令索取婆子維熙以角妓應之成棟大喜坐二妓於旁笑謂觀者曰今與爾爲一家人勿畏我也黎明從陸路往吳淞不甚剽掠惟初七日騎兵先至者過新涇鎮大肆淫雪婦女不勝其騶斃者七人時大旱水涸兵船悉泊東關外梁得勝以三百人守之城外居民與買易如平時黠者或撫其背相與嘲中如舊識維熙議使人辱水運東關外得勝大喜已刻期至吳淞行有日矣十二日城內外喧傳有薙髮之

令人情始懼遂有變志是日志葵遣馬軍俞飛熊賚牌至畧云初十日郡中民變殺北兵過半餘皆躲入府庠已列柵圍之本鎮卽刻統大兵入縣仰附近百姓于今晚俱用白布裹頭雜插栢枝竹葉紅箸鴟毛爲號共勦東關兵事成有重賞各路鄉兵凡爲邑諸生支益國子生須明徵等詔言扇動一聞有牌持兵蝟集謬傳志葵自劉河東過外岡矣頃又云抵青岡墩矣未及一瞬又云曹翹察院矣時卽在城居民亦以爲

志葵已入城矣門遂撤夜不閉以待遠近鄉兵
集者漸衆王家宅鄉兵最稱完整其首許龍于
客歲縛誅閩邑叛奴威名頓著至是首犯 清
兵與戰頗力時漏下數刻不辨誰爲志葵胆氣
甚壯競舉人擲得勝船成棟自下維揚金陵京
口毘陵諸處所獲精金美玉名劍寶刀無算悉
付一燼未及毀者盡爲鄉兵所擄舡中多載婦
女已悉被焚一少婦最姝麗呼曰我翰林公女
家在揚州被掠至此列公哀憐救我鄉兵云速

嘉定屠城紀畧

五

投水中水淺尙可活婦曰我是被鎖在船語未
竟烈焰燒其身矣得勝急據高岡使兵三五作
隊自上射下皆應弦而倒許龍亦中流矢死鄉
兵大潰始知志葵固未嘗至也天明計首級殺
清兵八十四人得勝率餘衆奔吳淞狼狽得達
初成棟至吳淞策馬周視四境駭曰此絕地也
張令誤我矣及聞得勝敗兵船悉盡終夜繞舡
不敢復寢十五日精選營中得四十騎皆驍捷
善戰募吳淞居民朱宇及其子香爲前導往婁

東求救至羅店被圍奮死突出馳而西過三官
堂殺一僧有四騎失隊鄉兵從馬後掣其佩刀
刀落卽取而連斬之人馬俱斃二騎奔鄉兵追
及攢稍刺死惟一騎戰苦得脫前隊至時家墳
遇鄉兵復馳而東鄉兵急追漸近羅店鄉兵復
大出兩路急攻諸騎窘極隨朱香自間道過蔡
家橋繞出鎮後扶創而歸過月浦復爲鄉兵截
殺落荒而走望見吳淞城大呼救命救命至
丁家橋人馬氣息僅屬一縷成棟窘迫無計惟
縱兵大掠西至月浦羅店南至江灣楊家行北
至錢家樓施家巷居人里徙畧盡城中風聞不
一憂怖彌甚望志葵眼穿始悟見棄皆號哭棄
家而走是夕月蝕條忽食旣時天無纖雲色暗
如漆占曰食盡無光主奸人誤國百姓死城邑
空其兆成矣

城

明都察院觀政進士黃淳耀及弟邑諸生淵耀入
時間六月十七日淳耀及弟淵耀與前通政使

司左通政侯峒曾二子邑諸生元演元濂倡爲
守城計初淳耀避兵石岡有同科孝廉丹陽葛
麟與二力士至嚙貌甚雄武絕不類文人叩淳
耀門大聲問曰年翁在否淳耀父家柱出迎荅
以在鄉隣攢眉良久曰我憂之甚年翁純儒未
諳世故恐不免思一相見故迂道今不及矣家
柱乃固止之爲停留飲食及淳耀兄弟歸與之
同訪志葵于雲間共論當世事出謂淳耀曰志
葵庸奴耳其言夸誕欲使他人幹事彼坐享其

成必誤國事年翁何故信之天下事尙可爲然
君儒者非其倫幸勿鹵莽遂掉臂去不言所之
後追尋其語若明鏡著蔡云

成棟悉銳攻羅店屯兵馬橋

時十八日也與鄉兵隔水而語佯言成棟等奉
命守吳淞與羅店初無仇讐今假道歸婁東並
無侵擾幸寬其一面鄉兵支洪陸文等戢手罵
曰汝曹檻羊牢豕耳莫作痴想成棟怒率兵混
戰陰遣銳卒東渡練祁塘西渡荻涇繞出陣後

鄉兵大潰退屯來龍橋接戰良久大敗入鎮時
日未出居人方爲市間變急升屋步兵亦升東
西馳逐屋瓦亂飛騎兵四面殺人大呼唐秀才
何在百姓縛出者有賞唐秀才者景耀也初與
吳宏宇爲隣宏宇降成棟景耀面數其罪肆言
極罵且曰歸告李成棟汝是明朝人何投降速
反正可免大戮宏宇銜恨切骨悉以告成棟景
耀復大書一白牌立馬橋南諭成棟降至是爲
清兵所得磔於市

邑諸生唐培率鄉兵巷戰而死

唐培誓不反顧 清兵銳箭並發培被殺鎮已
破時有諸生朱霞者尙張小蓋登屋鳴金冀集
衆復戰 清兵四集身披數創墮河號呼竟日
乃死成棟知鎮民支廉爲鄉兵首支家橋一帶
房屋焚毀畧盡男婦被殺者一千六百四人是
日城中百姓共殺須明徵毀其室明徵故尙寶
卿須之彥之猶子也素無行爲鄉里所擯一聞
南都被卽冠帶乘軒謁成棟稱畧嘉定營守備

事仍通志葵復稱監紀推官勢劫維熙取官銀數千招家丁六十名悉衣錦綺懸佩刀招搖街市間時率之至安亭鎮訪其奸豪與促膝密語每揚言遣人赴各鎮請鄉兵分守諸要害時城守頗嚴有夜半叩關者稱爲明徵請兵人特啟關納之問鄉兵何在漫應曰城主性慳不肯發糧已散去矣衆口詰問語極支離始大疑之十

嘉定屠城紀畧

九

姓迎成棟兵合城擾驚有頃西關外獲奸細嚴刑鞫之供爲須黨一時大譁真假莫辨明徵倉卒出亡至南關受縛步稍遲大挺擊之疾呼稱免莫爲置辨驅至察院前斬首刳腸斷四肢分置各城門捕其家丁悉誅之家室糜碎十九日淳耀等相與謀曰今事成騎虎無主必亂乃令元演作書急促其父峒曾入城鄉兵亦到幟往迎旣至集衆公議畫地而守東門峒曾爲主邑諸生龔孫玠佐之西門淳耀爲主其弟邑諸生

淵耀佐之南門孝廉張錫眉爲主前秀水縣儒
學教諭龔用圓佐之北門國子生朱長祚爲主
鄉衮唐咨禹佐之處分已定各率衆上城巡邏
嘉人士爭縛袴執刀以從人情頗覺鼓舞東北
二門俱用大石疊斷街路惟西南二門稍安時
啟閉仍用庫木亂石橫塞道途以遏兵鋒二十
日立挨門出丁法分上中下三等上戶出丁若
千衣糧自備仍出銀若干備客兵糧餉并守城
頭目燈燭之費中戶出丁若干衣糧自備仍出

嘉定屠城紀畧

十

銀若干下戶止出一丁分堞而守每丁日給錢
六十文衣糧燈燭悉自備城上分四隅自某地
起至某地止分屬各圖每圖擇一人爲長日入
後當事者親自巡歷以稽勤惰其大事專屬侯
峒淳耀處分是日二都鄉兵縛一投堞者至稱
爲間堞鞫之寔志葵送書人發函有吳門之虜
斬馘殆盡杭州之虜貝勒云亡之語當事者深
信不疑不虞其見罔也二十三日志葵復遣牌
至許遣游擊蔡喬督兵協勦當事者議云新令

張維熙係 清兵所署難與其守驅出城推明
原任儒學訓導萬達攝縣事巡司俞尙德充捕
官是日復有健兒四人持志葵牌至來文與原
牌互異嚴鞫之供爲婁東諸生浦學浦嶠偽造
將乘我不備襲取縣城旣得實立梟四人於市
爾時聲勢岌岌人不自保然恃侯黃諸縉紳協
力守城避難士民扶老攜幼而歸不絕于路城
上揭白旗大書嘉定恢剿義師奈兵餉兩缺所
仗惟城外鄉兵乃設計四布流言云 清兵驅

嘉定屠城紀畧

十一

百姓薙髮長說卽臨以白刃逼令自殺其妻子
籍爲兵使居前隊當矢石必無活理與其客死
他鄉何若集衆禦之可僥倖獲免也鄉民間之
大震怖弱者終日鍵戶與妻子對泣強者斬木
揭竿擊金鼓集衆然百姓騷然不遑寧處矣因
念燒雉一事雖志葵首旣使非支益扇動其間
不至敗決如此且益在閣部史可法標下聽用
領胖襖銀五千兩南都被悉飽私橐衆欲取爲
義兵餉競往攻之勢如轟雷父子祖孫死者五

人悉斬其頭與明徵並頭懸城上項之南翔獲
明徵妻子斬割屠戮一如明徵鐘中著族李氏
自世廟以來蟬聯不絕貢士李陟少有雋才知
名當世居干城間南都破干勸農公署起鵠杜
傳籤巡更與何凌虛等招集義兵號匡定軍議
干南翔諸富賈戶派出餉諸賈人皆銜之誅明
徵之夕陟方會飲南城聞變遽擲杯走犯夜南
朔里兒怪之妄言李氏潛通于敵有洪濱者暴
起諸生問阿附李氏爲衆所賤指爲奸細濱恐

匿李氏宅鎮中諸惡少羣擁之門陟與其從叔
抗之濱等對衆猶嫚罵自若里兒素憚李氏懼
事定後必正其罪因遂破其門直入無少長皆
殺之分投捕殺諸李赤其族各路聞風競相盤
詰路人單行稍涉疑似卽縛去亂鎗戮死棄尸
河中甚至一言忤意白刃驟加其人方欲置辨
身首已離窮鄉僻壤自相仇殺三四人聚黨拔
刃至人家往往滿門受戮遠近殺害無算時正
亢旱災威逼人道旁乞丐爭挾毒投井中以拒

鄉兵事露引頸受刃無一言莫知所使橋道扼要處皆設廠晨夜其守雖五家之聚亦起鄉兵以無餉故一再至城中卽絕跡不來當事者懼張榜四門此後鄉兵來者集護國留皇光慶寺中爲首一人入城領餉於是來者漸衆二十四日成棟遣其弟統精騎數十奪路往婁東求救涕泣與訣曰我軍成敗在此一舉汝不勝勿復見我矣諸騎奮死衝殺一路搏戰至北門鄉兵大集諸騎前後受敵以漸逼入倉橋街鄉兵兩

路夾攻將舉火焚之諸騎窘冒死突出鄉兵合圍殺獲五騎餘騎將過倉街諸王朱元亮出新炭數十簍熾火橋上用酒醋潑之橋石頭毀城上發火礮殺三人一馬連橋擊斷一人手撒佩刀被創死路旁蓋成棟弟也從騎急下馬取首級掛鞍後馳而東復返吳淞哭于路也曰我等皆高鎮勁兵自隨邢太太降後所過風靡嘉定縣何物蠻子來數日殺我副將六員幾日無援我軍生路絕矣成棟聞弟死日夜與諸副將相

對涕泣奈鄉兵本村農烏合初無將領乘輿一
聚卽鳥獸散郊外無一人往來孤城蕩蕩僅存
一白旂迎風招颺而已成棟于軍中選黠者二
人去其辮作僧人服潛至城下偵得實歸報成
棟舉手加額曰天也天也始謀身自率合婁東
兵共破嘉定云爾時城中束手無策惟連請志
葵星馳赴救時志葵已貳于義陽王以計脫其
妻子遁歸雲間歛諸鄉衺暨富貴金建牙泐河
矣許卽日遣游擊蔡喬率兵來援當事者大喜

用白旂大署游擊將軍蔡督令精兵十萬鄉兵
三十萬刻日會剿云云董督動老營使爲內應
募急足資至吳淞境上成棟謀者早伏近郊織
悉畢知二十五日城中以書幣迎蔡喬于途其
兵不滿三百皆癯弱不振惟喬頗勇健使餽筒
重二十五斤差以可用所攜火藥糧儲在舟中
求始置城內自率兵營于城外議者皆曰宜許
之被戰而勝軍資在我其心益固不勝留以爲
質勢不敢棄我去峒曾淳耀等以喬素微賤心

不可保乃遣人饋問令泊舟南關外二十六日
五更方遣人市羊豕祭旂傳令于東關外安營
次第引舟前成棟遣諸將銜枚疾走已嚴陣以
待蔡兵不知所措手赴水奔逃追騎以鎗尖貫
其胸若刺魚鼈喬尚臥舟中聞變驚其持鋏簡
躍登岸步行衝陣頗有殺傷奪一馬乘之孤身
獨戰力盡敗回清兵圍之數匝東關有徐福
者奮力往救與喬俱死其兵初無紀律一時潰
散峒曾淳耀等拔堞而望見喬敗惟連呼高皇

帝烈皇帝在天之靈慟哭相向而已成棟遣十
餘騎若將薄城者城上連發大砲傷二人遂引
去過新涇鎮縱火焚屋雞犬悉盡成棟至吳淞
分遣步兵于月浦楊家行等處捉人剃頭且云
助我破賊財物恣汝取之時吳淞老營已降順
因沿村擄強壯益之兵勢復振二十九日成棟
悉眾過東門迤邐以北當事者懸千金募人渡
濠焚倉橋一帶民居成棟至婁塘扎營礮橋鄉
兵預于鎮之東偏駕木爲高臺用作偵探出戶

箭手二十餘人立宣家墳鄉兵環集左右成棟
使騎兵分左右翼自將中軍衝殺而前鄉兵力
戰以步騎不敵死傷畧盡會日暮成棟吹螺收
兵入村落淫殺無度取其雞豚夜縱飲不輟各
村鎮猶傳 清兵自吳淞來一路爲鄉兵截殺
所存不過十數騎今力竭勢窮願獻精金百鎰
買路歸婁東矣未幾又傳二十三都鄉兵夜負
豆葉一大捆于背伺 清兵熟睡入其營誘致
羣馬驅之南騎兵恐獲罪逃逸者過半矣諸鄉
兵未諳兵勢爭裹糧礪兵而來嗣曾淳耀等親
自臨城勉以忠義言與洎俱人皆感奮因下令
諸鄉勇能鼓衆赴敵者每人先給白布二疋仍
每日頒折餉銀二錢有能得敵其首級者每顆
給銀十兩

七月初一日會兵磚橋東

不下十餘萬人排擠擁塞紛呶如聚蚊多適爲
累 清兵每戰必分左右翼鄉兵不識陣勢呼
爲蟹螯陣每發挑戰多不過十餘騎皆散落不

集一處諸鄉兵遙見兵出擁擠益甚手臂相摩
憂軋軋作聲淳耀聞事急呼其僚壻諸生徐文
蔚慰勉之使率西門鎮鄉兵疾馳赴救拜而送
之杭家村安亭鎮一小聚落也亦集衆赴義獨
揭一紅旂在前諸鄉兵因言紅旂者宜作前鋒
執旂者杭文若也其人曾習舉子業少年銳氣
率爾獨出其降人毛玉佩揮斬馬刀直前亂砍
殺騎兵二人戰良久復殺一人將奪其馬清
兵攢鎗刺之玉佩文若並死於陣西門鎮鄉兵

嘉定屠城紀畧

七

馮滿龐瑞許臣等猶奮死血戰大呼併力卒無
應者乃曳兵反走徐文蔚被殺清兵乘勝直
前走者不知所爲相蹈藉而死抉眼流腸不計
其數前阻大河欲退無路殘兵競投戈赴水時
正溽暑數暴雨河水驟漲尸骸亂下一望無際
成棟大陳兵仗踞鄉兵所架高臺麾兵入鎮肆
行屠戮共殺一千七十三人虜去婦女無筭逸
美婦室女數十人置宣氏宅盧有逃逸悉去衣
裙淫盪毒雪不可名狀分部括取金帛滿載往

婁東城中猶訛傳鄉兵大捷戶派煮酒飯若干
以犒勝兵頃之聞敗悉括城中老幼驅使上城
連日夜莫敢交睫於西東南北荒落處各設層
臺一座集衆守之因所獲奸細藏詩謎于衣領
間有女牆無樹不棲鸞之句疑于此處有內應
也是日東關外傳入成棟榜文有開門降誓不
殺一人之語或謂大勢已去諸公宜爲十萬生
靈計淳耀拂然推案痛哭峒曾錫眉等亦悲不
自勝取榜共裂之急遣人焚沿城一帶民居烟
焰張天累日夜不息于烈日中督促民夫搬運
磚石置城上莫敢暫休視城外一望曠蕩鄉兵
無一置者每近黃昏風景慘淡鬼聲啾啾城中
掩泊相視共知必死矣

清兵至婁塘

解甲韜戈寂然不動初三日會同婁東兵擁大
衆至盡銳攻城砲聲轟轟不絕守城百姓股栗
色變當事者懼分投慰勉曰我與爾曹室家婦
子盡在是少有蹉跌萬家同命矣百姓哭應曰

諾復懸重賞募人渡濠焚西關外河南一帶民居莫肯應先是錢令去時開庫盡給羣胥軍器火葯惟人所取四門城樓扇鎖甚堅尙有存者鄉兵至乃悉取之至是徒手應敵而已嘉定本徙城嘉隆間倭奴屢攻不能克自邑令楊旦築磚城最稱完固 清兵發大礮衝之頽落不過數版乃多昇板扉至東北城下以禦矢石使數十人伏其下穿大穴腰間各繫長繩有死者卽牽去復用壯丁補之穴遂透諸生馬元調侯元

演元潔等督民夫急用金汁灰瓶盡力防禦陷處下巨木塞之 清兵乃佯攻東門潛遣卒至北門欲從水竇入城中復連下大石不能克是夕有赤氣起于北方俄變成黑其長亘天守俾者喧傳有神人披髮仗劍立馬雲霧中皆曰元武神也望空羅拜曰神人相助我屬無患矣然瞰城下兵益衆攻益力舉砲益繁終夜震撼地裂天崩砲硝鉛屑落城中屋上簌簌如雨嬰兒婦女狼奔鼠竄雖至窮苦必以一簪一珥繫肘

間曰此買命錢也推至初四日五更大雨守城百姓露立三晝夜兩眼湍爛瞠騰欲仆復遇暴雨舉體沾濕食飲紀絕不能自支漸有去者時當事者與諸孝廉青矜悉仗劍立雨中見守城者將散大驚分投勸勉然不能禁矣 清兵見守城者漸弛攻愈急多縛軟梯至城下一將以大桌覆其面躡梯而上勢如飛鳥城上磚石如雨悉中東上一躍而登蓬斧斷東關縱兵大入峒曾猶坐城樓指麾曰若二子侍遽呼曰事急矣何以爲計答曰有死而已復何言所恨者枉送一城百姓耳語未竟守陴者而過大呼城已破峒曾急呼二子去不從復大聲訶之走數步復還峒曾怒叱曰我死國事分也祖母在若輩應代我奉事戀我何爲二子慟哭而去至孩兒橋皆被殺峒曾溺宣家池不死立水中歎曰人死亦大難事欲顧見一伍百乃其兵憲時隸也隨峒曾在城因使抑其首冀得速死隸泣不從固命之乃兩手抑其首入水啾啾有聲復不死

爲清兵引出斬之競奪其首獻之成棟梟示四門一日復懸門左旂竿上大署逆官侯峒曾首級示衆初六日清兵棄城去繩絕墮地眼鼻已潰鬚髮猶赫然可辨國子生朱之熙識急捧歸篋送厥頭里覓尸身不得其僕哭于路曰主君殉難時下體着黃紗褲用綠絲帶結襪有童子指之知其處驗之良是得就木若有神助云方城破時西門尙未有兵城中男婦悉西走街路俱有亂石走塞顛頭得達號哭求啟關淳

嘉定屠城紀畧

三

耀堅握鎖鑰不應其同榜進士王泰際適至爲百姓請命語甚哀懇不從復以年誼動之淳耀大怒曰若欲獻城請自爲之我頃刻死人不顧年誼矣泰際急走南門縋城逸去俄聞城破方聽啟關城門爲巨石堵塞僅容一人往來然鼠竄而出者尙數十人及清兵至悉從屋上奔馳通行無碍難民在下者反阻絕不得路悉投河死水爲不流淳耀兄弟知事不可爲方下城遇其紀綱僕急問我父安在謬應曰死亂兵矣

淳耀痛哭仆地不能起時大雨溼甚淵耀自控一馬至趨淳耀及乘至一庵乃平日與其同年友陳倣讀書處也主僧毫無等者尙在獻茶啜茶畢諭事無等曰大師急避某兄弟從此辭矣因起鍵戶取筆書云遺臣黃淳耀于弘光元年七月初四日自裁于西城僧舍嗚呼進不能宣力皇朝退不能潔身自隱讀書寡益學道無成耿耿不滅此心而已異日寇氣復靖中華士庶再見天日論其世者尙知予心書罷顧視淵耀

嘉定屠城紀畧

三

已赫然梁間矣淳耀仰屋而歎遂縊其側初淳耀精心理學于書無所不窺著述甚富旣連掇巍科布衣徒步不異秀才時嚴勅家人勿預外事居常鬱鬱恨所志不遂自國變益復無聊淵耀每譬解之一日淵耀自外入見幼弟戲于庭撫其背曰六郎汝監子何知國事至此汝大兒必死節兄死我不忍獨生汝將來未知流落何處尙爾嬉笑耶時清兵未至衆人詫爲不祥至是果驗云

明張孝廉錫眉守南城度必破死之

於六月二十六日先作絕命詞大書榜上云我生不辰僑居茲里路遠宗親邈隔同氣與城存亡死亦爲義後之君子不我遺棄及聞城破謂其友曰宜速死對曰城破之原不由我輩空死何爲君若獨斷于心無所不可錫眉先驅妾入水方自溺龔教諭用圓抱其兄邑諸生用廣大勵相謂曰我祖父清白自天已歷三世今日苟且圖存何面目見祖宗于地下因共溺兩尸浮

嘉定屠城紀畧

三

出水面猶握手不解其弟邑諸生用厚攜妻子出避尊自溺蓋兄弟三人同殉云城之被破在東關北偏第一鋪成棟尙在東關外小武當廟中辰刻乃開門入下令屠城約聞一砲兵丁遂得肆其殺戮家至戶到小街僻巷無不窮搜亂葦叢棘必用槍亂攪知無人然後已兵丁每遇一人輒呼蠻子獻寶其人悉取腰纏奉之意滿方釋遇他兵脅取如前所獻不多輒砍三刀至物盡則殺故僵尸滿路皆傷痕遍體此屢砍使

然非一人所致也予隣人偶匿叢篠中得免親
見殺人情狀初砍一刀大呼都爺饒命至第二
刀其聲漸微已後雖亂砍寂然不動刀聲戛然
遍于遠近乞命之聲嘈雜如市所殺不可數計
其懸梁者投井者斷肢者血面者被砍未死手
足猶動者骨肉狼籍彌望皆是投河死者亦不
下數千人三日後自西關至葛隆鎮浮齒滿河
舟行無下篙處白膏浮于水面岔起數分婦女
寢陋者一見輒殺大家閨彥及民間婦女有美

嘉定屠城紀略

十四

色者皆生虜白晝于街坊當衆奸淫恬不知愧
有不從者用長釘釘其兩手于板仍逼淫之嘉
定風俗雅重婦節慘死者無數然亂軍中姓氏
不聞矣初六日成棟拘集民船裝載金帛子女
及牛馬羊豕等物三百餘艘往婁東財物木棉
悉委棄不取初十日後士民倖脫者始絡繹入
城見室家零落里井蕭然無不放聲大哭十四
日城內外喧傳明大將左良玉已復南都清
將李成棟等俱遜歸揚州或云成棟悉輦金寶

置高郵州俟秋高後復謀大舉今崑嘉雖被戮
清兵業已解散爾時人心惶惶聽不根語莫
敢寧居二十三日江東朱瑛自稱游擊將軍率
五十人入縣行牌督百姓守城莫肯應諸生張
有光自郡歸從家薙髮過察院前見門啟偶入
閑觀朱瑛立使人縛之叱使北面詭數其罪戮
之干市民間競傳明兵至瑛出西門就護國寺
一給已經薙髮者免死碑百姓爭取之葛隆鎮外
岡馬六楊豕行等鎮鄉兵復聚遇薙髮者輒亂

嘉定屠城紀略

五

殺因沿路燒劫烟焰四起遠近聞風護髮益堅
有徐元吉者明吳淞所諸生徐鳴鹿之子向爲
本鎮中軍成棟使署坐營把總事嘉定破每丁
一名勒令納紬衣五領銅錫器五件積貲巨萬
以薙髮爲名曰出行刼割人于啖人心肝動以
百計雖遇親戚朋友無所擇其父鳴鹿素長厚
每聞元吉殺人輒仰天大號元吉怒毒殺滋甚
與朱香曹壽趙五哈百章等分部殺掠數十里
內草木朱殷時城中無圭積尸成坵惟三四僧

人于被焚處撤取屋木聚尸焚之民間炊烟斷
絕忽冀東浦嶠率兵至有郭元者街市細民也
不勝憤登城數之曰浦六我嘉興太倉一水之
隔嘉定被屠未出十日汝人面獸心公然來作
賊剝取煨燼狗鼠不食汝餘汝速去不去將磔
汝于市嶠掩面反走歸愬成棟曰嘉定恃其巖
頑將復叛矣成棟怒二十四日遣婁東降將萬
國昌等率兵至葛隆鎮屯織女廟本鎮劉敖王
憲等集眾得千餘人權牛共盟誓不反顧因會

合外岡鎮鄉兵扎營薛市門橋吹角鳴鑼連發
大砲挺及奮呼乘銳疾戰清兵少却鄉兵奮

死追擊且戰且行有清將一失其姓氏身長

八尺餘面色如鍊乘馬壓陣偶失隊鄉兵朱六

十道旁登溷適清將單騎過其前不意中突

出抱之因墮河中清將倉卒拔刀未及出鞘

朱六用兩手緊束之疾呼求球鄉兵聞喚聲甚

急反視見朱六正與清將相搏濺水如濤山

浪屋大笑爭下水擒之立刻梟斬首級大幾如

五升槃復鼓衆急追及于南馬頭復大戰共
斬七十二級鄉兵權聲動地以爲此後不敢正
眼覷葛隆鎮矣遂稍解散二十六日五更清
兵大至鄉兵未集惟孫小溪父子四人守南橋
小溪被殺清兵入鎮居人尙未起肆行屠戮
流血沒踝乘勝屠外岡鎮二十七日浦嶂等知
外岡葛隆二鎮已破道路無梗且嘉定初被屠
雖有存者勢不敢抗然不剿絕後必有變因力
勸成棟再屠其城是日逢嶂者齧齧不留嶂旣

嘉定屠城紀畧

七

據縣治作令自念本妻東人距嘉定不四十里
與嘉人士素通聲氣非刑殺無以示威于是邑
諸生朱衷恂以留髮故梟首東門諸生婁復聞
嶂友也于南門外被縛尙呼嶂字曰浦君屏我
好友釋我當厚報語未脫口并其妻子及娣及
外甥悉斬首婁氏血脉遂絕遺民重足而立嶂
乃安意肆志發兵入村落打糧鄉里男婦悉用
亂草蒙頭伏水中以避害蓋數十里無寧居者
一嶂日夜與其鄉里兵丁共分財帛并括取木棉

器物滿載婁東于是邑中貧富悉盡未踰年
清部院廉知贖罪下郡獄受笞無數旋伏誅嗚
呼孰謂天道遠哉初成棟至吳淞明百戶哈伯
章首獻軍器火藥三科武舉馮嘉猷獻吳淞遠
近地形本所攻圍守禦之法及成棟攻淞松江
府以嘉猷置吳淞總鎮事嘉猷于地方所多所
寬貸遠近百姓甚倚之惟徐元吉甚肆荼毒嘉
猷反憚之原任陸營把總吳之蕃者父斗南于
崇禎朝奉命討流賊死事之蕃常自謂忠孝之
門聞手下百戶降怒曰奴輩皆世賊降何容易
俟大明兵得汝定當抉汝眼剖汝腹鑿汝筋抽
汝骨今日且莫喜也

嘉定屠城紀畧

天

八月十六日把總吳之蕃起兵江東被獲死之
之蕃于江東起兵至吳項橋登岸嘉猷聞報聚
老營兵涕泣曰汝曹聞之蕃前日語耶猝有不
利我汝與皆碎首矣老營兵踴躍用命先遺人
焚之蕃舟之蕃兵皆烏合見火起一時潰散之
蕃連殺數人不能定呼天哭曰我父子並死王

事分也所恨心力殫盡得起義師未戰而潰我
日弗瞑矣于是挺鎗欲赴鬪死居民汪三素與
相識以好言誘之陰謀竄取之蕃素抗直不疑
與同行至水旁三忽推之墮水爲所擒嘉猷兵
呼之蕃及其父祖名大罵以所得首級懸其項
困辱萬端嘉猷大陳鼓吹取花紅羊酒犒得勝
兵卽于其地縛之蕃推入陷車競指罵曰吳之
蕃之本吳淞牧兒僥倖得一官何足指數敢作
此事豈非沒福之蕃大笑罵曰奴輩自謂得福

嘉定屠城紀畧

无

我懼滅門不从乃是禍徐元吉曠自顧之之蕃
復罵曰我朝廷世臣父子忠節汝曹逆賊狗彘
所不食何敢以面目向人元吉以糞穢塞其口
之蕃唾而大罵解郡城殺之遠近始薙髮稱
大清順民云是役也城內外死者二萬餘人縉
紳則有侯峒曾黃淳耀龔用圓李廉張錫眉貢
士則王雲程青矜則黃淵耀等七十八人其時
孝子慈孫貞夫烈婦才子佳人橫罹鋒鏑尙不
可勝計設縣以來絕無僅有之異變也予目擊

寃酷不忍無記事非灼見不敢增飾一語間涉
風聞亦必尋訪舊衆口相符然後筆之於簡後
有弔古之士哭寃魂于悽風慘月之下者庶幾
得以考信也夫

嘉定屠城紀畧

三

嘉定屠城紀畧終

